

**ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი  
რესურსების საკითხთა კომისიის  
სხდომის ოქმი № 5**

**ქ. ლანჩხუთი**

**2.04.2026 წელი  
11:30 საათი**

**სხდომას ესწრებოდნენ:** ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარე ზაზა წულაძე.

**კომისიის წევრები:** ვლადიმერ ნანაძე, სამსონ კვაჭაძე, თორნიკე მითაიშვილი, ჯუმბერ ბლაგიძე, მაია ლომთაძე, კარლო კვიციანიშვილი.

**მოწვეული სტუმრები:** ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის, ქონების მართვისა და სოფლის მეურნეობის განყოფილების უფროსი ვარდენ კვაჭაძე, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში ლაშა სარჯველაძე, საკრებულოს აპარატის მეოთხე რანგის პირველი კატეგორიის უმცროსი სპეციალისტი თამარ ფირცხალაიშვილი.

**კომისიის სხდომას არ ესწრებოდა დეპუტატები:** გოგი მორჩილაძე, გიორგი იმნაიშვილი.

კომისიის თავმჯდომარემ **ზაზა წულაძემ** სხდომას გააცნო დღის წესრიგის პროექტი:

1. „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს 2026 წლის 26 მარტის N7 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

მომხსენებელი: \ზაზა წულაძე/

2. სხვადასხვა.

**კომისიის თავმჯდომარემ, ზაზა წულაძემ კენჭი უყარა დღის წესრიგის პროექტს:**

დღის წესრიგის პროექტის მიმართ კომისიის წევრების მიერ შენიშვნები არ გამოთქმულა.

**მომხრე 7; წინააღმდეგი -არცერთი.**

**დღის წესრიგის პირველი საკითხი:** „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს 2026 წლის 26 მარტის N7 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის, ქონების მართვისა და სოფლის მეურნეობის განყოფილების უფროსმა ვარდენ კვაჭაძემ. მან აღნიშნა, რომ პროექტის მიღება განპირობებულია დადგენილების პირველი მუხლით დამტკიცებული დანართის-„ადგილობრივი ქონების გადასახადის განაკვეთების მე-3 მუხლის კორექტირებით, კერძოდ მე-3 მუხლის „ბ“ ქვეპუნქტში ხდება გადასახადის განაკვეთების ფიქსირებული განსაზღვრა.

**მუხლი 1**

საწარმოსთვის/ორგანიზაციისათვის ქონების გადასახადის წლიური განაკვეთია დასაბეგრი ქონების ღირებულების 1%. ამ მუხლის მიზნებისათვის დასაბეგრი ღირებულება არის საშუალო წლიური საბალანსო ღირებულება (გამოიანგარიშება კალენდარული წლის დასაწყისისა და ბოლოსათვის აქტივების საშუალო ღირებულების მიხედვით), რომელიც ქვემოთ ჩამოთვლილ შემთხვევებში მხოლოდ უძრავ ქონებასთან მიმართებით უნდა გაიზარდოს:

- ა) 2000 წლამდე მიღებულ აქტივებზე-3-ჯერ;
- ბ) 2000 წლიდან 2004 წლამდე მიღებულ აქტივებზე-2-ჯერ;
- გ) 2004 წელს მიღებულ აქტივებზე-1,5-ჯერ;
- დ) იმ აქტივებზე, რომელთა მიღების შესახებ ინფორმაცია არ არსებობს-3-ჯერ.

## **მუხლი 2**

საწარმოსთვის/ორგანიზაციისათვის, გარდა საგადასახადო კოდექსის“ 202-ე მუხლის 3<sup>1</sup> ნაწილით გათვალისწინებული შემთხვევისა, ლიზინგით გაცემულ დასაბეგრი ქონებაზე გადასახადის წლიური განაკვეთია დასაბეგრი ქონების საშუალო წლიური საბალანსო ნარჩენი ღირებულების 1%. ამ მუხლის მიზნებისთვის ლიზინგით გაცემული დასაბეგრი ქონების საბალანსო ღირებულება არის ქონების გაცემის მომენტისთვის არსებული ღირებულება, ხოლო ყოველ მომდევნო წლისათვის ქონების ღირებულებად ითვლება აღნიშნული ქონების ნარჩენი საბალანსო ღირებულება, რომელიც ამ ქონებას ექმნებოდა ლიზინგით არგაცემის შემთხვევაში.

## **მუხლი 3**

ფიზიკური პირის დასაბეგრი ქონებაზე გადასახადის წლიური განაკვეთებია:

- ა) 100 000 ლარამდე შემოსავლის მქონე ოჯახებისთვის - საგადასახადო პერიოდის ბოლოსთვის დასაბეგრი ქონების საბაზრო ღირებულების 0,2 %.
- ბ) 100 000 ლარის ან მეტი შემოსავლის მქონე ოჯახებისთვის - საგადასახადო პერიოდის ბოლოსთვის დასაბეგრი ქონების საბაზრო ღირებულების 1,0 %.

## **მუხლი 4**

ლანჩხუთის მუნიციპალიტეტის ტერიტორიაზე სასოფლო-სამეურნეო დანიშნულებისა და ტყის მიწაზე ქონების გადასახადის წლიური განაკვეთი ერთ ჰექტარზე გაანგარიშებით, ლარებში:

1. სათიბი (ბუნებრივი და გაკულტურებული) 20 ლარი/ჰა;
2. სამოვარი (ბუნებრივი და გაკულტურებული) 16 ლარი/ჰა;
3. სახნავი (მათ შორის, მრავალწლიანი ნარგავებით დაკავებული მიწა, საბაღე, საბოსტნე) 73 ლარი/ჰა;
4. საკარმიდამო 73 ლარი/ჰა;
5. სასოფლო-სამეურნეო საქმიანობაში გამოყენებული ტყის მიწებისთვის:
  - ა) სათიბი 20 ლარი/ჰა;
  - ბ) სამოვარი 16 ლარი/ჰა;
  - გ) სახნავი 73 ლარი/ჰა.

## **მუხლი 5**

ლანჩხუთის მუნიციპალიტეტის ტერიტორიაზე ბუნებრივი რესურსებით მოსარგებლე პირისათვის (შესაბამისი ლიცენზიის გაცემის საფუძველზე) გამოყოფილ მიწებზე ქონების გადასახადის წლიური განაკვეთი ერთ ჰექტარზე 3 ლარით განისაზღვრება.

## მუხლი 6

არასასოფლო-სამეურნეო დანიშნულების მიწის ერთ კვადრატულ მეტრზე გადასახადის წლიური განაკვეთები ლანჩხუთის მუნიციპალიტეტის ტერიტორიაზე განისაზღვროს შემდეგი ოდენობით ლარებში:

1. ქ. ლანჩხუთში ტერიტორიული კოეფიციენტი-1,0, საბაზისო განაკვეთი 0,24 ლარი/1მ<sup>2</sup>-ზე, წლიური გადასახადის განაკვეთი 0,24 ლარი/1მ<sup>2</sup>-ზე. (3x4)
2. ლანჩხუთის მუნიციპალიტეტის სოფლებში ტერიტორიული კოეფიციენტი-0,9, საბაზისო განაკვეთი 0,24 ლარი/1მ<sup>2</sup>-ზე, წლიური გადასახადის განაკვეთი 0,216 ლარი/1მ<sup>2</sup>-ზე. (3x4)

## მუხლი 7

1. ქონების გადასახადისგან გათავისუფლდეს:

ა) საცხოვრებელ სახლებზე მიმაგრებული მიწის ნაკვეთები, რომლის ფართობი არ აღემატება 600 კვ.მ-ს.

ბ) ავტოფარეხზე მიმაგრებული მიწის ნაკვეთები, რომლის ფართობი არ აღემატება 24 კვ.მ-ს.

2. ამ მუხლის პირველი პუნქტით გათვალისწინებული ქონების გარდა, ქონების გადასახადისგან გათავისუფლებისას გამოიყენება საქართველოს საგადასახადო კოდექსის 206-ე მუხლი.

3. ქონების გადასახადის გამოანგარიშებისა და გადახდის წესი, შესაბამისი დაბეგვრის ობიექტის მიხედვით ქონების გადასახადისაგან გათავისუფლებული ქონების სახეები დადგენილია საქართველოს საგადასახადო კოდექსის 205-ე და 206-ე მუხლებით.

### კომისიამ მიიღო გადაწყვეტილება:

დადგენილების პროექტი კომისიის წევრების მიერ მიღებული იქნა შენიშვნების გარეშე.

სხდომის თავმჯდომარემ ზაზა წულაძემ კენჭი უყარა დადგენილების პროექტს.


**მომხრე 7, წინააღმდეგი არცერთი.**

### სხვადასხვა:

**დეპუტატი ჯუმბერ ბლაგიძე** დაინტერესდა თუ როდის მოხდება სუფსის ადმინისტრაციულ ერთეულში საერთაშორისო მნიშვნელობის გზის დაკავშირება სახელმწიფო მნიშვნელობის გზასთან და მასზე ვალდებულებას აიღებს თუ არა საგზაო დეპარტამენტი. მან ასევე აღნიშნა, რომ მოსაწესრიგებელია რკინიგზის სადგურის მიმდებარე ტერიტორია, გასატანია რკინის ნარჩენები.

**დეპუტატი თორნიკე მითაიშვილი** დაინტერესდა სუფსის ადმინისტრაციულ ერთეულში თუ დასრულდა მინი სტადიონის მშენებლობა, ასევე იგეგმება თუ არა სტადიონის მიმდებარე ტერიტორიიდან სამშენებლო ნარჩენების გატანა და აღნიშნული ტერიტორიის ინფრასტრუქტურით მოწყობა-მოწესრიგება.

ლანჩხუთის მუნიციპალიტეტის საკრებულოს ეკონომიკის,  
ქონების მართვისა და ბუნებრივი რესურსების  
საკითხთა კომისიის თავმჯდომარე:



/ზაზა წულაძე/

ლანჩხუთის მუნიციპალიტეტის საკრებულოს ეკონომიკის,  
ქონების მართვისა და ბუნებრივი რესურსების საკითხთა კომისიის  
სხდომის დასკვნა №5

2.04.2026 წელი

11:30 საათი

მოგახსენებთ, რომ მიმდინარე წლის 2 აპრილს მოწვეულ იქნა ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხი:

1. „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს 2026 წლის 26 მარტის N7 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

მომხსენებელი: \ზაზა წულაძე/

2. სხვადასხვა .

**დღის წესრიგის პირველი საკითხი:** „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს 2026 წლის 26 მარტის N7 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი კომისიის წევრების მიერ მიღებული იქნა შენიშვნების გარეშე.

**მომხრე 7, წინააღმდეგი არცერთი.**

ლანჩხუთის მუნიციპალიტეტის საკრებულოს  
ეკონომიკის, ქონების მართვისა და ბუნებრივი  
რესურსების საკითხთა კომისიის თავმჯდომარე:



ზაზა წულაძე

ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის წევრთა დასწრების სარეგისტრაციო ფურცელი

2.04. 2026 წელი  
11:30 საათი

	სახელი, გვარი		ხელმოწერა
1	ზაზა წულაძე	11 <sup>25</sup>	<i>[Handwritten Signature]</i>
2	გიორგი იმნაიშვილი	<i>[Handwritten Signature]</i>	<i>[Handwritten Signature]</i>
3	ვლადიმერ ნანაძე	11 <sup>28</sup>	<i>[Handwritten Signature]</i>
4	მაია ლომთაძე	11 <sup>26</sup>	<i>[Handwritten Signature]</i>
5	სამსონ კვაჭაძე	11 <sup>25</sup>	<i>[Handwritten Signature]</i>
6	გოგი მორჩილაძე	<i>[Handwritten Signature]</i>	<i>[Handwritten Signature]</i>
7	კარლო კვიციანიშვილი	11 <sup>25</sup>	<i>[Handwritten Signature]</i>
8	თორნიკე მითაიშვილი	11 <sup>25</sup>	<i>[Handwritten Signature]</i>
9	ჯუმბერ ბლაგოძე	11 <sup>25</sup>	<i>[Handwritten Signature]</i>